

Tokoh2 tinggalkan DAP menjadi2

# SEORANG LAGI LETAK JAWATAN

IPOH, Khamis — Mu-  
sim meletakkan ja-  
watan dalam DAP Pe-  
rak nampaknya men-  
jadi-jadi lagi. Hari ini  
seorang lagi tokoh,  
Encik Lim Nyit Sin  
meletakkan semua ja-  
watan pentingnya da-  
lam parti itu.

Encik Lim, bekas Ahli  
Dewan Undangan Negeri  
Kuala Pari dari 1974  
hingga 1982, meletakkan  
jawatannya selaku  
Pegawai Biro Keahlian

Oleh RAZAK RAFFLIS

DAP Perak. Naib  
Pengerusi Jawatankuasa  
Perhubungan Parlimen  
Menglembu dan  
Pengerusi DAP cawa-  
ngan Menglembu.

Di pilihanraya umum  
lalu, dia tewas kepada  
calon Barisan Nasional  
bila ditukar bertanding  
di kawasan Kelian Pauh.

Encik Lim berkata,  
beliau meletakkan ja-

watan kerana mendapati  
keadaan dihadapinya  
sama seperti yang  
dihadapi bekas ketua  
DAP Perak, Encik Lim  
Cho Hock, juga meletak-  
kan semua jawatan pen-  
ting dalam parti serta  
sebagai Ahli Dewan Un-  
dangan Negeri Kepa-  
yang baru-baru ini.

Katanya, beliau juga  
menjadi mangsa kempen

jahat beberapa 'peng-  
khianat' dalam parti  
terhadap para pemimpin  
mereka.

## Menjalankan

"Tindakan saya  
meletakkan jawatan-  
jawatan penting dalam  
DAP adalah disebabkan  
ini. Keadaan saya hadapi  
sama seperti yang  
dihadapi oleh Encik Lim  
Cho Hock yang meletak-  
kan jawatan penting da-  
lam parti," katanya da-

lam satu kenyataan hari  
ini.

Encik Lim berkata,  
kempen itu diketuai oleh  
seorang 'pemimpin na-  
sional berbangsa India'  
serta dua ketua DAP Pe-  
rak lain.

"Sejak beberapa ta-  
hun, mereka dan pen-  
nyokong mereka telah  
pergi dari cawangan ke  
cawangan menjalankan  
kempen jahat mereka.

"Mereka juga telah  
memburukkan imej parti  
di cawangan-cawangan  
tersebut," tambahnya.

Encik Lim berkata,  
beliau telah berabar  
menghadapi 'peng-  
khianat' itu sejak  
beberapa tahun lalu.

"Tetapi saya hilang  
sabar bila mereka mula  
m e m b u r u k k a n  
Setlusaha Agung Parti,  
Encik Lim Kit Siang.

"Bila ini terjadi hara-  
pan saya agar para peng-  
khianat ini mengubah  
sikap hancur lebur," ka-  
tanya.

Encik Lim juga  
berkata, kumpulan  
pengkhianat juga dari  
masa ke semasa telah  
memburukkan pe-  
mimpin lain termasuk  
Encik Karpal Singh dan  
Dr. Tan Seng Glaw.

Katanya, sejak Encik  
Lim Cho Hock, secara  
terbuka mendedahkan  
para pengkhianat  
tersebut, mereka lintang  
pukang lari menyem-  
buynikan diri.

Mereka berdiam diri  
terhadap pendedahan  
tersebut tetapi ini tidak  
akan melepaskan  
mereka dari kesalahan  
itu, tambahnya.

Kata Encik Lim, cara  
menyelesaikan masalah  
ini ialah dengan Ja-  
watankuasa Eksekutif Pu-  
sat DAP menyingkirkan  
para pengkhianat itu.

"Jika ini tidak  
dilakukan dengan cepat,  
seluruh struktur DAP  
akan runtuh," katanya.

Encik Lim berkata,  
beliau akan kekal  
sebagai seorang ahli  
biasa dalam DAP.

Beliau juga akan  
menyokong calon DAP  
yang akan bertanding di  
pilihanraya kecil Kepa-  
yang tetapi ini ber-  
gantung sama ada calon  
itu dari golongan peng-  
khianat atau tidak.

Bahan asal dari Arkib  
Negara Malaysia